

1 TETSARONITSÉÉTSE

Tujkénú Tetsaróonicárí íjcyáme éllevu

Páávoroo cáátúnuháám:

Duurúvaju

¹ Ámuúha Tetsaróonicá múnaa múúhá nahbémuj, íhyaami íñe muha mécaatúnú ámuúha éllevu oo Páávoroo, Tsibáánoo, Timotéoo, íjcyame elle ámuha meíjcyame tsaímíyé Máavyéjuube Jetsocríjtomútsikye Méécááni Píívyéébema meúráávyehíjcyáme éllevu. Aamútsí ihdyu óvíi ámúhake píaabó íbúwajíí ámuha meíjcyaki.

Tetsaróonicá múnaa cáhcujtsóne

² Ímí ámuha Píívyéébeke meúráávyehíjcyánéllii pajyuvaré muha dííbyeke météhdútsohíjcyáhi.

³ Áhdure muha méítsáávehíjcyá Jetsóoke ámuha mewájuryé mecáhcujtsómé tsaímíyé dííbyé wákimyéi ámuha meméénume méitsohíjcyané tsiíñe díbye tsááiñe. Áané hallúvú muha téhdure Píívyéébeke météhdútsohíjcyáhi.

⁴ Muurá muha méwaaajácú ámúhake táñahbémuke iwájuryéllii díbye újcune.

⁵ Muuráhjáa ámúhake muha pajtyété tsúuca mééma íjcyané uwááboju meúwáábócooca tsá pevéneré meúwáábohíjcyatúne. Muuráhjáa ihdyu Píívyéébé Apííchó múúhake píaábóneri panévare méénúraítyúronéhjí muha méméenuhíjcyá ímiáanéjuco íjcyane muha meúwáábohíjcyánéllííhye. Aane muurá ámuha méwaaajácú muhdúhjáa ámúhama muha meíjcyame ámúhake mepíáábohíjcyáne.

⁶ Muuráhjáa Píívyéébé Apííchóré ámuéhakye ímíjyuuvu ájcume tsáimíyé ámuha mecáhcujsó dííbyé uwááboju ámuéhakye muha meúwaabóne. Aame muurá eene muhdú muha dííbyeke meúraávyehíjcyádújuco ámuha meúraávyehíjcyané ámuha meícúbáhrámeíyóné pañe. ⁷ Ehdu nééróné pañe ámuha dííbyeke tsáimíyé meúraávyehíjcyámedítyú muurá Matsedóóniámá Acááyá iñújíicú cahcújtso múnaa ámuhadítyú ííiváne tehdu úráávyehíjcyáhi. ⁸ Áané uwáábojúu muurá ámuhadítyú tsújaavéné tsá apáámyéré téené iñújíicu múnaa wáájacutúne. Muuráhjáa tsúuca pahúllevá múnaaré waajácúhi. Téhdurée waajácumé ámuha ímí Píívyéébeke mecáhcujsóne. Áánéllii tsáhájucó muha muucá teene meúúballéítyuróne. ⁹⁻¹⁰ Muurá téhdure múúhakye úúbállehíjcyámé éhnée ámuéhakye muha maááhívéjémeke tsáimíyé ámuha mewáátsúcúpejtsóne. Áhdure múúhakye úúbállehíjcyámé níjcyotájtekéréé ámuha mecáánívahíjcyámé ícyooca botsíi ímiáábé Píívyéébekéréjuco ámuha mecááníváábeke meíicuvémé metéhmehíjcyané múijyú tsiíne Ílli tsááiíne éhnée dsííivéébeke díbye bóhíitsoóbe. Díibyée muurá tsúuca meke pájtyetétsó méimítyú hallútú meícúbáhrámeíyónetu.

2

Tetsaróonicarí Páávoró úwaabóne

¹ Aane muurá ámuha táñahbémú méwaajácú bañúháñée ámuéhakye muha maááhívéjetúne. ² Muuráhjáa Pirípovu múúhakye dítye ícúbáhráróné pañe íínerí íllityétúmé ámuéhakye muha meúwááboté Píívyéébedívú muha mecátsípáávénema. Áámedíi

múúhadi tsaate úúhívatéróné pañe ámuúhakye muha meúwaabóné muurá ámuha mécáhcujsóhi. ³ Tsáháa ímityúné ámuúhadítú muha meíjtsámeíñe íllure ámuúhakye muha maállityúne. ⁴ Muuráhjáa ihdyu Píívyéébe páme íjtsaméíyé wájácú néébe múúhakye ityújkevééllémekéjuco níwáávéne uwááboju íñe muha meúwáábohíjcyá ámuúhakye dibye ímillédújuco. Tsá muha meúwáábohíjcyatú míamúnaa múúhakye ímí íjtsúcunúki. ⁵ Aane wájácú ámuha menéene tsáháa múúhakye ámuha maáhdórokíyé tsaimíyé ámuúhakye muha meúwáábohíjcyatúne. Aane Píívyéébe waajácúhi. ⁶ Áhdurée tsá muha meíjyácunútú míamúnaa múúhakye mítyájtsóiyóneri. Muuráhjáa ihdyu ímiááné múúhakye ámuha mémítyájtsóiyá Críjtorée múúhakye uwáábojtédívú pícyóomeke. Áronáacáa tsá muha meíjyácunútú téeneri. ⁷⁻⁸ Muuráhjáa ihdyu ámuúhakyeré muha tsaimíyé mépiáábohíjcyá éhne múúne tsiiméké tsiiju téhmedu ámuúhakye muha mewájýnema. Aamée ámuúhakye muha meúwáábohíjcyá ímiáájú ápíchó nénehji múúhakye pátyehíjcyáróné pañe. ⁹ Aane cáhawáá méitsáávé muhdúhjáa ámuúhakye muha meúwáábo ámuúháj piine muha meíjcyame mewákímyehíjcyané pécójahchótá cójijahchótá téene tájpi muha meíjcyaki. Tsáháa ííneri ámuúhakye muha meíjyévétsohíjcyatúne.

¹⁰ Áhdure muurá ámuha méwaajácú tsaimíyée ámuúhama muha meícyahíjcyánéllii íínetú muha menéétsámeítyúne. Aane téhdure Píívyéébe waajácúhi. ¹¹ Áhdure ámuha méwaajácú ámuúhakyeé muha meúwaabómé mecánáájánuhíjcyané éhne múúne tsiiméké cááni méénudu. ¹² Muuráhjáa ámuúhakye muha ménehíjcyá Píívyéébema ímíñeúvú ámuha

1 Tetseronitséetse 2:1341 Tetseronitséetse 2:1

meijcy muhdú dífbyeéjté ijcyáiyódú íavyéjéjtée ámuha meijcyáiñevú ámúhake díbye méménúmeke.

¹³ Áané hallúvú muha paíjyuvaré météhdútsohíjcyá dífbyeke. Muuráhjáa dífbyé uwááboju míamúnáa íjtsaméi ijcyatúné muha ámúhake meúwáábónéllii ámuha ímí mecáhcujsómé tsúuca méimíjpyetéhi.

¹⁴ Ahdícyane ámuúha múúhá nahbému, muurá Crijtóke ámuha mecáhcujsóné hallútú ámuha múnaaré ámúhadi ícúbáhrahíjcyádúu idyé múúhadi Jodéari muha meícyané cahcújtso múnáadi múúha múnaaré jodíómú ícúbáhrahíjcyáhi. ¹⁵ Diityéree muurá dsíjívetsó Ávyéjuube Jetsóoke íhdée múúha múnaaré idyé ijcyámeke Píívyéébe ihjyú uubálle múnáake ídsíjívetsódu. Aame tsá Píívyéébe ímillédú ijcyáityuróne. Áanéllii pamévakéré tsarílléme. ¹⁶ Aame muurá tsá ímíllehíjcyatú jodíómú ijcyátúmeke muha meúwaabóne. Ááneri íhyallúvúré éhniíñevu ímityúné méenuhíjcyáme. Árómeke téené hallútú Píívyéébe ícúbáhraáhi.

Páávoró imíllé Tetsaróonicáí ijcyáné cahcújtso múnáake íááhíveténe

¹⁷ Ámuúha múúhá nahbému, éhnée ámúhadítú muha metsátsihdyu muurá tsúcájáhréjuco meé. Aame íñe ámúhadítú tsíhyulle muha meijcyarómé ámúhake méítsáávehíjcyáhi. Áanéllii muha méimíllérá ámúhake maááhíveténe tsiíñe maátyúmíjcatsíki.

¹⁸ Éjyújúcooró o ítsámeíhíjcyaróné oore ámúhake o ááhívetéfyóneri. Áronáacáa Naavéné táijtsaméi tútávajtsóhi. ¹⁹⁻²⁰ ¿Aane íñe íñevú muha mecátóróóvne méimíjyúúveé Máavyéjuube Jetsocríjtó tsiíñe tsáácoóca?

Muurá ihdyu diityéjuco ámuha ámúhadi téijyu muha meímíjyúúveíme.

3

¹ Áámekée ámúhake muha maájtyúmííyóneri meíjyácunúhíjcyánéllii ámuha éllevu tsúúca muha mepéjúcooráhi. Áronáacáa muhtsi mécoévá Atéénávúre. ²⁻³ Átsihdyúu ménahbe Timotéó téhdure Píívyéébé ïicúve múnáajpi íjcyáábekéréjuco muhtsi mewáalloone ámúhake dibye Críjtodítýú íjcyáné uwááboju iúwáábóneri itsápíjtsoté éhniíñevu ímí ámuha dííbyeke mecáhcuíjtsu tsaate ámuha múhdurá meíjtsámeítyu íñe ícyooca meícúbáhrámeíhíjcyánéhjitu. Muurá tsúúca ámuha méwaajácú Píívyéébeéjté meíjcyame ehdu nénéhjiri meícúbáhrámeíñe. ⁴ Muuráhjáa ámúhama muha meíjcyácooca ménehíjcyá meícúbáhrámeíñe. Ahdújuco muurá meícúbáhrámeíhíjcyáne. ⁵ Ááneríi mítyane ámúhadi o íjyácunúnéllii Timotéoke ó wallóo dibye ámúhake iúújeté muhdújucó ámuha Críjtoke mecáhcuíjtsóné o wáájácuki. Ópée mítyane ó íllityé bañúháñé ámúhake muha meúwáábohíjcyámeke Naavéné ícyánejcúvú llúucúyóneri.

⁶ Áronáa Timotéó ámúhadi Tetsaróonicarí ulléjeebe múhtsikye úúballévá ímíhyeva ámuha Píívyéébeke mecáhcuíjtsóne pamévamáyé mewájyúcatsíhíjcyáne. Téhdure múhtsikye úúbáleebe ámúhadi muha meíjyácunúhíjcyádúreva idyé múúhake ámuha maájtyúmííyóneri meíjyácunúhíjcyáne. ⁷⁻⁸ Ááneri mítyane muha meímíjyuuuvé panévariyé muha meícúbáhrámeíyómé ímí tehdújuco ámuha Ávyéjuube Jetsocríjtoke meúráávyéneri. ⁹ Ááné hallúvú mítyane

muha Píivýéébeke météhdútsohíjcyáhi. ¹⁰ Muurá paíjyuvaré muha dífbyeke píáábó métáúmeíhijcyá tsiíne ámúhake muha maááhívetémé éhniíñevu ámúhake meúwáábo dífbyeke mecáhcújtsónéjcutu tsátsii ímíñeúvú ámuha mewáájácutúne.

¹¹ Aane ihdyu óví Máavyéjuube Jetsocríjtoma múúhake píáábomútsí ámúhake muha maááhívetéki.

¹² Áhdure óví ámúhake píááboobe íne ámúhake muha mewájyudu ámuha pamévamáyé mewájújcatsiki.

¹³ Aane óví ámúhake píááboobe tsáímíyé dífbyeke ámuha meúráávyé mújyú Máavyéjuube Jetsocríjtó ihñéjteke újcúvácooca ííne ímítýú ámúhá hallurí jcyatúme ámuha dífbyedívú meúújetéki.

4

Píivýéébe ímillédú meíjcyane

¹ Áánéllii ámúhake múúhá nahbémuke muha menéé Máavyéjuube Jetsóo mémeri panévaturé tsáímíyé ámuha meíjcyane Píivýéébe ímillédú muhdúhjáa ámúhake muha meúwaabódu. Aane óví ámuha meúraavyé éhniíñevu.

² Muurá ámuha méwaajácú Ávyéjuube Jetsóo taúhbajuré ámúhake muha meúwáábohíjcyáne.

³ Muurá Píivýéébe ímíllé dífbyedívú ámuha meíhvéjtsámeíne díbye ímillédú meíjcyane. Áánéllii tsá múu ihdícyámema dómácójcatsítýúne. ⁴ Múu ityáábávájcatsíne tsáímíyé ijcyáhi.

⁵ Tsá múu Píivýéébeke wáájácutúme dáriívécatsíhijcyádú átéréénéhjí hallútú ícúbáhrájcatsítýúne. ⁶ Tsá múu ínáhbé táábake pátsárijcyotúne.

Muurá ehdu dáriívémeíhijcyámeke téené hallútú ihnáhooíne Píivýéébe ícúbahráne. Téénélliihyé muurá tsúúca ámúhake éjy muha

méúúballé teéne. ⁷ Tsáháa ímítýunéhjí meméenu dibye meke újcutúne. Mekée újcuube ténehji meíhvéjtsóne meímíjpyetéki. ⁸ Áané uwááboju tsaate éhdiivállehíjcyámé tsá míamúnáake éhdiivállétúne. Píívyéebekéré ehdiívallémé mépañévúu Íapííchó ipícyóóneri meke ímíjpyetétsóobeke.

⁹ Áánetu íñe muhdú ámuha tsané nahbémú mewájjýjcatsííñetu tsáhájucó ámuéhake o cáátúnúityú tsúuca Píívyéebé túkevájtsójú pañe ámuha meíjcyame tehjújucó mewájjýjcatsííñéllíihye. ¹⁰ Muurá Matsedóóniá iíñúji múnáa ménahbémuma ímí tehjújucó ámuha mewájjýjcatsíhijcyáne. Árónáa ámuéhake muha menéé éhniíñevu ámuha pamévamáyé mewájjýjcatsíki. ¹¹⁻¹² Aame ihdyu tsaímíyé íbúwajjí ámuhá wákimyéiyi meíjcyá iiná ámuhadítýú ipíhtótu muhdúhjáa ámuéhake muha meúwaabódú tsijtye cahcújtso múnáa íjcyatúmé ámuéhake íavyejúúlleki.

Ávyéjuube Jetsóó tsiíñe tsááiñe

¹³ Ámuúha múúhá nahbémuj, téhdure muha méimíllé ámuéhake meúúballéné íñe tsúuca cahcújtso múnáa íjcyame dsíjívéhíjcyámé muhdú íjcyaiñé ámuha ídátsó meíjtsúcunúne mekímóóvétu eene pájtyetéityúmé ídátsó kímóóvehíjcyádu. ¹⁴ Muuráhjáa Jetsóó dsíjíveebe tsiíñe bóhíine mecáhcujsómé méwaajácú téhdure Píívyéébe meke bóhíitsoíñé dílbyeke mecáhcujsómé medsíjívemeke.

¹⁵ Muurá tsiíñe dibye tsáácooca téijyu íjcyame tsá pééityú medsíjívémé íhdéré dílbye éllevu. Ehdu Píívyéébere nééne íñe ámuéhake muha méúúballéhi.

¹⁶ Aabe Jetsóoma wálloó níjkyéji múnáa avyéjúúbeke

díbyé rojrócori dibye meke ipíúva díbyé cahcújtso múnaa meíjcyámeke. Áijyu muurá pámeere múhdumé díbyé cahcújtso múnaa meíjcyame tsiíne mébóhíhi.
¹⁷ Átsihdyu ihdyu botsíi téijyu íjcyámema tsaméhjíjjuco mepééíne cáamevu Máavyéjúúbema maátyúmíjcatsíki. Aame díbyema meíjcyaa múhdú íjcyáiyúmeréjjuco.
¹⁸ Áánéllii téénevu mecátóroóvéne métsípátsócatsíhijcyá.

5

¹ Ehdu teene Ávyéjuube Jetsóó tsááiíne, ámuúha múúhá nahbému. Árónáa ihdyu tsá mewáájacutú múijyú dibye tsááiíne. ² Muurá tsúuca ámuha méwaajácú meíjtsótúnáa dibye tsááiíne éhne múúne naní múnáajpi pejco meke ábájínejcúdu. ³ Muurá míamúnaa nehíjcyaa ííne imíjyaú íjcyaiíne. Áhdure íjtsúcunúime múijyú íiná pájtyéityúne. Árónáa ílluú néétútsihdyu íjcyaiíne ícúbáhraméi éhne múúne wállehdivú peecútéré tsíimáva ávyé wájtsídu. Áánetu muurá tsá múha pállójcóityúne. ⁴⁻⁵ Árónáa tsáhájjuco ámuha meíjcyatú éhne múu cúúvétsii meíjcyadu. Muurá tsúuca ámuha méwaajácú teene éhne múúne cóóji páneere íiná maájtyumíne mewáájacúdu. Áánéllii tsáhájjuco ámúhakye tene ábájínejcúityúne. ⁶ Áhdícyane metsu ímíááméré meíjcyá téibúwaréjjuco. Tsáhájjuco tsaatédú wáájácúmeítyúmé meíjcyáiyú éhne múúne cúwame íjcyadu. ⁷ Muurá cúwamee, líyícyavémee, éhdume tsá wáájácúmeítyú éhne múu cúúvétsii íjcyadu. ⁸ Áánetu ihdyu mee péététsihyi múu íjcyadu menéeme tsúuca teene mewáájacúmé metsu ímíáámeréjjuco meíjcyáne Píívyéébeke mecáhcújtso ímítyúnehjívú metáhjátsámeítyu éhne múúne tsodáhó

ityáhjátsámeityu cóhpéneúvú wátájcámeidyu. Ááne metsu ímíñeúvú meúraávye íñe mepájtyeténé uwááboju éhne múúne tsodáhoke íwatájcoji wátajcódú íívane mewágóóóvéyónetu meke pájtyetétsoíñe. ⁹ Tsáháa Píívyéébe meke újcutú meícúbáhrámeíki. Muuráhjáa ihdyu íllure meke téénetu pájtyetétsoobe Máavyéjuube Jetsocríjtoj tééveri. ¹⁰ Áánélliihyée dífbyeke wálloobe mewájyuri dibye idsíjívve mújyú meke dibye újcúvácooca pámeere téjyju íjcyámema medsíjívjúcoorómé tsaméhjí dífbyema meíjcyaki. ¹¹ Áánéllii ámuha meméénuhíjcyádú éhnííñevu métsípátsojcatsí tsáimíyé Píívyéébema ámuha meíjcyaki.

Cahcújtso múnáake Páávoru túkévejtsoñe

¹² Ahdícyane ámuúha múúhá nahbémuji, ámuhákye muha menéé ámuha maávyejúúlle ámuhá túkévejtsojtéke. ¹³ Ímiááméré meíjcyáne mewájyú diityéke. Tsá múu múnáátsójcatsíyúne.

¹⁴ Téhdure ámuhákye muha menéé tsaate wákimyéityu óvéhéemeke ámuha metáúhbaki. Téhdure panévatúré íhtsunúmeke mépiáábo. Ehdu múu píáábohíjcyá pamévakéré múhdurá ditye íjcyáronéhjí íábúcúnema.

¹⁵ Aame ihdyu téihbúwá meíjcyaco. Tsá múu tsaate ímityúné ámuhákye méénuróné píámeityúne. Ímiááméré meíjcyáne íllure mépiáábojcatsi.

¹⁶⁻¹⁷ Páijyuvaré Píívyéébema meíhjuváne méimíjuhíjcyá. ¹⁸ Météhdútsohíjcyá panévá hallúvuré dífbyeke. Muurá íñe Jetsocríjtoéjté meíjcyame panévare meke pátyehíjcyánéhjí hallúvú dífbyeke metéhdujtsóné imílleébe.

¹⁹ Áábé Apííchó ámúhá pañe íjcyane ámúhake túkévétsohíjcyané tsáma méíhvéjtsodíñe. ²⁰ Áhdure íñe dííbyere tsaatédívú bóhówájtsóneri íiná pájtyeíñe ditye úúbálléneri tsá múu íícúvetúme íjcyatúne. ²¹ Árónáa ihdyu múu ímíñeúvú íjtsó keená ímiááne íjcyane iúráávyeki. ²² Aame ihdyu mémeenújúcohdí ímityúne.

²³ Ahdícyane óví Píívyéébe ámúhake píaabó ííne ímityú ámúhá hallúrí íjcyájúcóótuki. Aabe ihdyu óví ámúhake tehme ámúhaj pi, ámúhá íjtsaméí, ámúhá íbuúúné, múijyú tsiíñe Ávyéjuube Jetsocríjtó tsáácooca ámuha íínerí menéétsámeítuyuki. ²⁴ Tsá muurá íínerí meke díbye báñúityúne. Muuráhjáa íñéhdújuco meke díbye újcune. Aabe muurá téhdure páneere mééma méénuú muhdú íñéhdú.

Páávoró pítyajcóné

²⁵ Ahdícyane ámuha múúhá nahbémú meíjcyame múúhá hallúvú Píívyéébeke píáábó pájyuvaré métáuméí múúhake díbye ipíááboki.

²⁶ Téhdure ámúhake muha menéé ámuha tsané nahbémú meíjcyame medúúrúvájcatsíki.

²⁷ Téhdure ámúhake muha méníwaavé Ávyéjuube Jetsóo mémeri íñe íhyaamí pañe ámúhama o íhgyuváne ámuha mewáájácútso pámeekéré elle íjcyané cahcújtso múnáake.

²⁸ Ahdícyane óví dííbyeréjuco Máavyéjuube Jetsocríjtó ámúhake píaabóne. Áyu tehdújuco.

Píivyéébé ihju: jetsocríjyodítýú cáátúnuháámi **New Testament in Bora (PE:boa:Bora)**

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 27 Jul 2022 from source files dated 25 Jun 2022

6f878dbd-e896-5e27-b788-1442926dfc48